

D. II. 13 (a-b)

L. B. C. R



Amans, Gus Traiesters
m p p

NOVVS PROTEVS
IESVS
SALVATOR
MVNDI.

Anagrammaticè
centies inuersus, ac centum distichis
ADORNATVS:

ET

*In Strenam Iuuentuti Studiose Monasterij
Tynecensis, Ordinis*

S. BENEDICTI,

AB

A.R.D. STANISLAO SCZYGIELSKI,
PRAEPOSITO TVCHOVIENSI
OBLATVS.

Calendis Ianuarijs, Anno reparate salutis
M. DC. LXIV.

•••••

CRACOVIAE,
Apud ALBERTVM SIEKIELOWIC,
S. R. M. Typographum.

I E S V S
D E V I R G I N E
N A T V S.

A N A G R A M M A.

Sanè vigens virtus Dei.



Q Vis, precor, iste puer prodit de Virgine natus?
Sit licet in cunis, est ratione vigens.
Sanè CHRISTE vigens puer es Sapiencia Patris,
Atque Dei virtus diceris esse simul.



Charissimis In CHRISTO Fratribus,
CELEBERRIMI TYNECENSIS MONAST.
ORDINIS S. P. NOSTRI

B E N E D I C T I
P R O F E S S I S :

F. P. S T A N I S L A V S S C Z Y G I E L S K I,
Præpositus Tuchouiensis.

Felicissimum Noui Anni, precatur auspicium.



Anuarij Calendas anni auspices largiendis Strenis sacrauit Antiquitas, FF. Charissimi, atq; ea consuetudo iam inde à Tatio Sabinorum Rege in posteritatem transmissa est, quem Verbenas felicitis arboris ex luco Strenia, noui anni auspices primum accepisse, auctor est Symmachus, argumento indubitato, Viris Strenuis strenas conuenire, atq; ob Virtutem deberi. Vestros itaque in Sacris Studijs peruiigiles labores, & strenuos in literis, Religioso dignis, conatus dum audio, incredibili animi efferror lætitiâ,

tiâ, gaudeoque plurimum, recaluisse literarum
amorem apud Vos, quibus tædium prius gene-
rabant: quæ profecto Vestra tantâ animi con-
tentione assumpta Studia, dissimulare nequeo,
cum eorum gloria me delectet abunde; idque
unicè cupiam, ut maiorem Sapiëntia sitim &
aviditatem Doctrina, ipse discendi ardor in Vo-
bis promoueat, & usus dulcedinem insinuet.
Felicius quippè omen iam capio ex literis, qui-
bus Vos addictos inaudio; futurum certè spe-
rans, quin cum ijs & Pietas associata veniat,
& Virtutes ceterâ secundo cursu ferantur.

Ac quoniam religiosum Votiuumque existi-
mo bonas artes stimulo premiorum felicius in-
citare, Strenas Ianuarias, inuitamenta sudoris,
Vestro premiando labori strenuo, offerre decreui:
nempe SALVATOREM MUNDI
IESVM infantem, à Nostro QUINTINO
Monacho anagrammaticâ Pœsi doctissimè exor-
natum typis publicari effeci, Vestrisque hunc fa-
cundi ingenij partum manibus consecraui, ut
tam pijs & docti Musæ Benedictinæ lusus, ad
maiores in literis profectus, mentes Vestras ex-
stimulent, & laudabilem doctrinæ ambitionem
ingerant; quatenus acquirenda opulentissima
eruditioni intenti amplius, quicquid & in Pœ-
tis Orthodoxis argutum vel amenum, apud O-
ratores graue, in Annalibus fidele, inter Gram-
ma-

maticos eruditum, in Philosophia subtile, necessarium & diuinum in Theologia studiosè deprehenderit, totum id pectore calenti hauriatis, futuri iusti haredes veterum literarum. Istud itaque agite, & quâ cœpistis alacritate contendite, rati non vulgare Vos obsequium Ordini & Tynecio præsbituros, cum in eâ Studia neruosius incubueritis, quæ inscitia portenta de medio tollunt, quæ otium excludunt, quæ sanctas, quæ admirabiles, quæ doctas & beatissimas efficiunt Religiones. Habet enim Tyneceuse archisterium Regni nostri princeps & primarium Ordinis Benedictini domicilium, permultas commoditates, quæ animos Vestros ad studia rerum diuinarum, & veritatis in otio literario contemplationem, possunt permonere. Si situm, si adiacentia circumspiciatis? quæ loci clementia, quæ rerum copia, quæ necessitatum prouisio, quæ librorum abundantia, quæ celebritas antiquissimi & quondam ditissimi Monasterij, qui vicinorum de Tynecio sensus, quæ expectatio: Ordo ipse BENEDICTINVS Sanctitate & Doctrinâ semper illustris, TYNECENSIS item MONASTERII necessitas, ipsaque affluentia temporis, id à Vobis exigere meritissimo iure videntur. Adsunt Vobis permulta præsidia ad bene beatèque viuendum, sunt ad ornamentum, ad omnem commoditatem permulta; quibus si libera-

lium artium Studia, Tynecij quondam (si historia
inspiciatur) culta, si florentissimum Philosophiae ac
Theologiae gymnasium, si officinam artium honestis-
simarum addideritis ; nescio quid Vestro Tynecio
auctius ? quid nobilius ? quid admirabilius ? quid
religiosius ? possit aut beatius excogitari ? Sin au-
tem studium regulare & contemplationis artes
contemnentur ? Verendum profecto est, ne de tan-
ti Cœnobij copijs, magnaq; æstimatione plurimum
detrahatur. quod ut in opportuno commodoque si-
tu, in copia, in opulentia, in omni bonorum genere
multum habere præsidij videtur, maxima tamen
pars in Doctrina & Sanctitate illi omnimodè ne-
cessaria est constituta. quibus demptis, non Video
quid admodum amplum, quid religiosum ei possit
ex primo splendore ac gloria remanere. Quod ut
optimè persuasum Vobis habeatis FF. Charissimi
absq; Sanctitate & Doctrina nec Ordinem Bene-
dictinum promoueri posse nec conseruari ; ac illud
certissimum esse debet, perfectam Tynecensis Mo-
nasterij atq; adeo Ordinis Vniuersi felicitatem sine
Studij literarij à Regula præscripti præsidio, reti-
neri non posse, quod rerum cœlestium contempla-
tione verique perspicientia contineatur.

I E S V S
S A L V A T O R
M V N D I.

ANAGRAMMA PRIMVM.

Io, sum Deus naturalis.

Filius ipse Dei Deus est æternâque latus
Dum tenet in cœlis gaudia, cantat io.

2. VERITATI ÆTERNÆ.

Iesus Saluator mundi.

Is solum nuda veritas.

Omnis homo mendax, solum Deus esse probatur
Verus; ab æterno talis & ipse fuit.

3. IMMUTABILI.

Iesus Saluator mundi.

Sum in Deo sita laurus.

Et Deus, inque Deo laurus velut una, virorem
Cernitur elysij semper habere soli.

4. SALVTIS NOSTRÆ AMATORI.

Iesus Saluator mundi.

En diuus salutis amor.

Ecce salutis amor diuus Deus ipse videtur;
Est etenim saluans non nisi purus amor.

5. AD SALVTEM NOSTRAM ASPIRANTI.

Iesus Saluator mundi.

Vnus salutis Dei amor.

V Nus amor, *quo plena Dei sunt viscera Christi,*
Dicitur hic meritò nonne salutis amor?

6. A SANCTIS PATRIBVS DESIDERATO.

Iesus Saluator mundi.

Tu salva: eris Dominus.

C Amor erat Patrū, Salua nos Christe Redēptor,
Noster eris Dominus, noster erique Deus.

7. AB EISDEM SÆPIVS EXPETITO.

Iesus Saluator mundi.

Vise solūm tu radians.

V Ise solūm terramq; tuo fulgore serena,
Certa animi veniat te radiante salus.

8. A PROPHEtis NVNTIATO.

Iesus Saluator mundi.

Visa erit salus mundo.

V Iſa ſalus aderit, dicebant ſepè Propheta,
CHRISTVS erit mundo, credite, viſa ſalus.

9. E COELO IN TERRAM DELAPSO.

Iesus Saluator mundi.

Vnius Dei ſaltus, amor.

S I quos Numen agit ſaltus. cernuntur amoris;
A calo in terram ſaltat amore Deus.

10. AMOREM AETERNVM IN TEMPORE MANIFESTANTI.

Iesus Saluator mundi.

Diu latens visus amor.

S *It licet aternus. post plurima tempora, Diuus
Matre fuit natus Virgine visus amor.*

11. VIRGINE MATRE GENITO.

Iesus Saluator mundi.

Vnus ideò laus Matris.

P *Rodij hic vnus concl: sâ Matris ab alio?
Laus ideò Matris dicitur iste puer.*

12. IN STABULO NATO.

Iesus Saluator mundi.

Olim Deus natus aruis.

P *Arunlus hic medijs est olim natus in aruis,
In stabulo cunas vidit vt ipse suas.*

13. PASTORIBVS ANNVTIATO.

Iesus Saluator mundi.

Suauis in melos datur.

D *Vlce melos CHRISTO fuit enascente peractum?
Dulce melos CHRISTVS sed magis ipse fuit.*

14. CIRCVMCISO.

Iesus Saluator mundi.

Sanè suauis do litrum.

E *Cce puer IESVS sua confert dona salutis,
Parualus effuso sanguine datque litrum.*

15. LE

15. LEGEM PERFICIENTI.

Iesus Saluator mundi.

Is laudaturus Moisen.

Non voluit Moſis CHRISTVS perfringere legem;
Illa ſed hoc melior facta docente fuit.

16. STELLÆ INDICIO MAGIS OSTENSO.

Iesus Saluator mundi.

Luminofus eat radius.

Clarus eat radius ſtella ſua lumina pandat
Indicio, & ſtabuli ducat in antra Magos.

17. A MAGIS ADORATO.

Iesus Saluator mundi.

Suâ nimis laude ortus.

Pauper & abiectus quamuis videatur hic ortus;
Laude ſua, ut Deus eſt, non tamen ille caret.

18. IN HUMILITATE EXALTATO.

Iesus Saluator mundi.

Laus Deo, manſi virtus.

Quod non antè fuit, ſumpſit de Virgine natus:
Sed quod erat, virtus manſit, ut antè Dei.

19. IN TEMPLO PRÆSENTATO.

Iesus Saluator mundi.

Simeoni ſaluus datur.

Fertur ut in templum, Simeoni offertur IESVS,
Quius in amplexu funera cantat olor.

20. REGI PACIFICO.

Iesus Saluator mundi.

Noua Iris sum delatus.

P *Acis habet signum radians in nubibus Iris ;
Sic pariter CHRISTVS fœdera pacis habet.*

21. SINCERO ET CORDE RECTO.

Iesus Saluator mundi.

Israëlita mundo vsus.

V *Ir pius ac simplex est mundo taliter vsus,
Ac si mundum habitans desuper astra foret.*

22. A D E S E C V N D O.

Iesus Saluator mundi.

Lenis Adam virtuosus.

L *Enis hic est Adam magnâ virtute secundus,
Et quod primus homo debuit, ille luit.*

23. A L T E R I N O E M O.

Iesus Saluator mundi.

Is alius datur Noëmus.

E *Cœcè alius Noë, fabricatâ corporis arcâ,
Qui cunctos homines eripit amne stygis.*

24. N O V O S A M V E L I.

Iesus Saluator mundi.

Samuël diuis ornatus.

H *Ecce nouus est Samuël diuino munere Vates,
Vnctio Principibus quo tribuente datur.*

25. SAV-

25. SAVLI COMPARATO.

Iesus Saluator mundi.

Sitne Saül diuus amor.

Sitne Saül diuinus amor? *nam more Saülia
Aurea dum pugnat sic amor arma gerit.*

26. PRÆ FILIIS HOMINVM SPECIOSO.

Iesus Saluator mundi.

Ardes vita luminosus.

Splendida non tantum facies & forma resulget;
Tota sed aetherei lumine vita micat.

27. TOTI VIRGINEO.

Iesus Saluator mundi.

Sis veluti rosa munda.

Est rosa flos merito florum regina vocanda;
Diuorum melius tu pie CHRISTE rosa.

28. SVAVISSIMO.

Iesus Saluator mundi.

Is nardum suavis olet.

Suavis olet nardum fragrans virtute suavis:
O quam dulcis odor, quamq; suavis amor!

29. MELLIFLVO.

Iesus Saluator mundi.

Tu mel ordinas suavis.

Melleus & suavis sic mellea, suauia IESVS
Ordinat, est verbis mellifluusque suis.

30. AMABILE.
Iesus Saluator mundi.
Vir vti Soles amandus.

Omnibus est radians merito Sol nunquid amādus
Sol veluti CHRISTVS dignus amore venit.

31. IN AMORE FORTI.
Iesus Saluator mundi.
Validus es intus amor.

Intus agis diuinus amor, validusque sacro
In cunctis feruens pectus ab igne geris.

32. IN AMORE PERSEVERANTI.
Iesus Saluator mundi.
Sit valens diuus amor.

Diuus amor nostras urat, precor, igne medullas,
Exhibito nobis robore fitq; valens.

33. IN AMORE SVBLIMI.
Iesus Saluator mundi.
Is altus vnus Dei amor.

Altus amor CHRISTI, nihil est excelsius illo
Vt talis fuerit, non tamen ima fugit.

34. IN AMORE FERVENTI.
Iesus Saluator mundi.
Vt Delius viros amans.

Delius ecce nouus. feruens, simulatq; corniscans,
Et sincerus amans diligit ipse viros.

35. IN AMORE FVLGENTI.

Iesus Saluator mundi.

Vt fidus, laus in amore.

Laus in amore *micans*, vt fidus luce coruscat;
Non aliter diuo laus in amore valet.

36. IN AMORE PRVDENTI.

Iesus Saluator mundi.

It validus sensu amor.

Hic amor it validus sensu; *deliria nescit;*
Actibus in cunctis sed sapienter agit.

37. IN AMORE NVTRICIO.

Iesus Saluator mundi.

Vnus amoris Deus alit.

Omnes vnus alit, Deus hic apparet amoris,
Quo bonus & pariter viuunt alente malus.

38. IN AMORE DISCRETO.

Iesus Saluator mundi.

Tu es sal diuinus amor.

Sal diuinus amor meritò tu cerneris esse:
Condimenta etenim mentibus vsque paras.

39. IN AMORE BENIGNO.

Iesus Saluator mundi.

Indulsi at vsus amore.

Vsus amore, reis indulsit crimina cunctis;
Hic modò si pereant, id noua culpa facit.

40. PIO ET CLEMENTI DOMINO.

Iesus Saluator mundi.

Vis Dominus salutare.

T *Vpius es Dominus, nostram vis usque salutem ;
Quod vis, hocq; volet, sit nisi stultus, homo.*

41. PATRI MISERICORDIARVM.

Iesus Saluator mundi.

Iussi donum salutare.

I *Pse salutis amans fieri vult dona salutis,
Auxilium miseris non iubet atque dare.*

42. TOTIVS CONSOLATIONIS DEO.

Iesus Saluator mundi.

Diuus tu lenis amarus.

O *Diuus, Diuisq; Deus qui premia confert,
Quam pius unguentis lenit amara suis !*

43. CÆLESTIS GRATIÆ LARGITORI.

Iesus Saluator mundi.

Ros diuus lenis amatu.

R *Os velut est CHRISTVS, totus sed lenis amatu :
Felix qui simili rore madescit ager.*

44. ANIMAS IRRIGANTI.

Iesus Saluator mundi.

Amandi vti ros leuis.

R *Os leuis est CHRISTVS, facilis dum gratia nostras
Mentes ethereo Dana fauore rigat.*

45. MEDICO SPIRITUALI.

Iesus Saluator mundi.

Tu diuus liuorem sanas.

L *Iuidus accepit nostrum tu vulnere sanas*
Liurem: Medicus cerneris esse nouus.

46. NOSTRO SAMARITANO.

Iesus Saluator mundi.

Tu melior sanas diuus.

T *V melior sanas animarum publica cura;*
Quam facit Hippocrates, Peoniusq; senex.

47. DIABOLICÆ FRAVDIS DETECTORI.

Iesus Saluator mundi.

Vir lenius doma astus.

E *la agē, CHRISTE doma peragens vir leniter astus;*
Quilibet abscedat te retegente dolus.

48. BONA INSPIRANTI.

Iesus Saluator mundi.

Sator viuus das lumen.

I *Pse sator mundi das cœlica lumina viuus:*
Mortuus haud lucis cernitur esse capax.

49. MONITORI VALIDISSIMO.

Iesus Saluator mundi.

Vir fat validus mones.

V *Ir satis es validus, monitis nos iugiter vrgens,*
Quos cupis æterni iussa tenere Patris.

50 SVASORI PRVDENTISSIMO.

Iesus Saluator mundi,

Vti Suasor des lumina.

E *St Deus à nobis noscendus luminis auctor;*
Sinceri sapiens consilijs dator.

51. CONSTANTI ET ANIMOSO,

Iesus Saluator mundi,

Is laudetur animosus.

I *S referat laudes, animosus ut esse probatur;*
Fregit enim stygij robora cuncta Ducis.

52. Z. E. L. Q. S. O.

Iesus Saluator mundi,

Adsum vir notus Elias.

E *St velut Elias magno seruire repletus;*
Mitior est eius seruire amore tamen.

53. SVÆ GLORIÆ VINDICI.

Iesus Saluator mundi,

Vnus iste amor laudis.

L *Audis amor Deus est, huic gloria redditur omnis;*
Si qua non fuerit reddita, vana perit.

54. A SE LAVDABILI.

Iesus Saluator mundi,

Is sua laus erit mundo.

I *Indiget haud titulis, seruat ut præconia laudis;*
Is sua sed mundo laus erit apta satis.

B

55. SO

55. SOLI IUSTITIÆ.

Iesus Saluator mundi.

Sol ritè visu amandus:

Hic est iustitia Sol visu CHRISTVS amandus:
Pra cunctis etenim dignus amore venit.

56. FVLGENTISSIMO.

Iesus Saluator mundi.

Do visus terfa lumina.

Sol velut, ex animo scelerum caligine pulsa,
Virtutum radijs lumina terfa fero.

57. ANIMAS ILLUSTRANTI.

Iesus Saluator mundi.

Sanè viro altum fidus.

Noscitur esse viro fidus virtutibus altum,
Illustrans animum, dum facit alta Deus.

58. IN NVPTIIS AQVAM IN VINVM CON-
VERTENTI.

Iesus Saluator mundi.

O Salutaris des vinum.

CHRISTE Salutaris des vinum, *supplico, dixit*
Mater, & est purum sic aqua facta merum.

59. SVAVITER OMNIA DISPONENTI.

Iesus Saluator mundi.

Multa suauius ordines.

Suauius vt es IESV facias sic multa suauius:
Omnia namq; operans suauius Numen agit.

60. VITA ADMIRABILY.

Iesus Saluator mundi.

Solus è vita mirandus.

V T plures fuerint. fecit quos vita stupendos ;
Longè plus CHRISTI vita stuporis habet.

61. IN MONTE THABOR TRANSFIGVRATO.

Iesus Saluator mundi.

Sat suo lumine radius.

N On aliundè nitet, propria virtute resulget,
Clarus ut in Thabor culmine CHRISTVS adest.

62. PASTORI BONO.

Iesus Saluator mundi.

Vir ouis dans salutem.

H Ic bonus est Pastor, gregis est cui cura salutis,
Quig, suo vitam sanguine donat Oui.

63. NOVÆ LEGIS SACRIFICIO.

Iesus Saluator mundi.

O diues altaris munus !

O Diues ! magnumq, nimis, quod munus habetur
Altaris, CHRISTVS victima sacra Patri.

64. PANI EVCHARISTICO.

Iesus Saluator mundi.

Vanos alit mirus Deus.

M irus alit Deus ipse homines quandoq, rebelles,
Et vanos proprio corpore CHRISTVS alit.

65. IN ALTARI CONSPICVO,

Iesus Saluator mundi.

Tale fidus nouum aris.

T Ale nouum *sacris* CHRISTVS *resplendet in aris*
Sidus, & irradians solis adinstar adest.

66. AGNO PASCHALI.

Iesus Saluator mundi.

Vnus Deus litas amori.

E Ccelitas *Diuo* Deus *ipse*met vnus amori,
Sacrificans Deuses, *resque* *sacrata simul.*

67. A DIVTORI NOSTRO.

Iesus Saluator mundi.

Diûs mortales iuuans.

O Minibus ille iuuans *dextram mortalibus offert;*
Illius renuat quis nisi stultus, opem?

68. REIS PEREVGIO.

Iesus Saluator mundi.

Munus reis dat oliuas.

N Onnè reis *gratū* munus dat CHRISTVS oliuas,
Dum nos sanguineo lenit, & imbre rigat?

69. VADI PRO NOBIS CONSTITVTO.

Iesus Saluator mundi.

Vas utilis mundo eris.

V T *va*lis officium fecit Saluator IESVS,
Est vñ *meritis* utilis esse suis.

70. MEDIATORI NOSTRO.

Iesus Saluator mundi.

En saluis sum adiutor.

A Diutor saluis est fuso sanguine promptus,
Atque Deo per eum conciliatur homo.

71. PECCATORIBVS PROPITIO.

Iesus Saluator mundi.

Diuinus malos seruat.

Ille malos seruat diuinus in omnibus actis:
Effectu Deitas non meliore patet.

72. PECCATORES EMUNDANTI.

Iesus Saluator mundi.

Suos mundauit Israël.

Ipse suos Israël mundauit crimine seruos;
Innocuus pœnas pertulit atque rei.

73. PRO PECCATIS HOLOCAVSTO.

Iesus Saluator mundi.

Is donum sui salutare.

Amplius haud donum est, quam se donare roganti;
Plurima dona dedit, se Deus atque dedit.

74. A MALIS NOS LIBERANTI.

Iesus Saluator mundi.

Nos malis diuus eruat.

Quesumus ille malis diuus nos eruat omnes,
Iustitia primam restituâtque stolam.

75. MUNDI REDEMPTORI.

Iesus Saluator mundi.

Reis vita, Mundo salus.

V Itareis, Mundoque salus Saluator IESVS
Cernitur, ut miseros eripit amne stygis.

76. SALVTIS LARGITORI.

Iesus Saluator mundi.

Isti donum vera salus.

V Era salus IESV *magno est pro munere donum :*
Nil homini maius namq; salute datur.

77. SALVATORI POTENTISSIMO.

Iesus Saluator mundi.

Res saluauit dominus.

R *Omanam Fabius cunctando restituit rem :*
CHRISTVS *res hominum restituit dominus.*

78. SALVATORI MITISSIMO.

Iesus Saluator mundi.

Me saluat ros diuinus.

M *Itis ut est IESVS, saluat me roris ad instar,*
Depluit atque animo plurima dona meo.

79. SANGVINVM SPONSO.

Iesus Saluator mundi.

Is doluit verus amans.

V Erus amans doluit *passus tormenta Redemptor:*
Quis sine tanta queat namq; dolore pati ?

80. AD PASSIONEM LATO ANIMO PRO-
PERANTI.

Iesus Saluator mundi.

Animosa ludes virtus.

Ardua dum patitur, virtus infirma laborat,
Ludit, & exultans est animosa malis.

81. SANGVINEO SVDORE MADIDO.

Iesus Saluator mundi.

Salus in morte sudaui.

O Quantum innocuus sudauit mortis in hora!
Sudor erat fletus, sudo eratque cruor.

82. SVO SVDORE NOS LIBERANTI.

Iesus Saluator mundi.

Ita sudans solui reum.

Quando ita sudauit mixta cum sanguine lympha,
Illius absoluit sanguis & vnda reum.

83. DEO PATIENTI.

Iesus Saluator mundi.

Diu vim toleras sanus.

In cruce suspensus toleras vim corpore laesus;
Ast animo sanus cerneris esse Deus.

84. CRUCI AFFIXO.

Iesus Saluator mundi.

Diuus moriens saluat.

Non frustra est moriens tribuit sed morte salutem,
Magnaque pro nobis premia diuus habet.

85. IN CRUCE MORTVO.

Iesus Saluator mundi.

An Deus alijs mortuus?

Mortuus ecce Deus: *noua res & digna stupore;*
Res tamen haud ista verior vlla datur.

86. PRO OMNIBVS PASSO.

Iesus Saluator mundi.

Omni datur eius salus.

Omnibus *una salus datur hic pro fontibus insons;*
Omnibus ut proficit, sic precor, una salus.

87. SVA NOBIS MERITA APPLICANTI.

Iesus Saluator mundi.

Merito diuus saluans.

Ex merito CHRISTVS saluans *nos diuus habetur;*
Sed nobis meritum contulit ipse suum.

88. AD INFEROS DESCENDENTI.

Iesus Saluator mundi.

Diuos lustraui manes.

Diuos lustraui *penetrando Tartara manes;*
Pluribus euctis inde trophaea tulit.

89. A MORTUIS RESURGENTI.

Iesus Saluator mundi.

Sum diuus alter Ionas.

Alter hic est Ionas mortis demersus abyssis;
Restituit vitæ tertia quæmque dies.

90. VICTORI GLORIOSO.

Iesus Saluator mundi.

Laureatus is Dominus.

Is victor Dominus superatâ mortie triumphat,
Illius & cingit laurea paria comas.

91. LEONI DE TRIBU IUDÆ.

Iesus Saluator mundi.

Audis mirus Leo natus.

Ille tribu Iudæ Leo natus mirus habetur;
Omnia namq; Erebi monstra valore domat.

92. OB PASSIONEM EXALTATO.

Iesus Saluator mundi.

E duris tua laus omnis.

E duris tua laus IESV cognoscitur omnis:
Passio dura fuit, laus sed amana fuit.

93. TOTIVS MVNDI DOMINO.

Iesus Saluator mundi.

Is, sua laus dominetur.

IS sua laus toto regnans dominetur in orbe,
Et teneat sceptris debita iura suis.

94. AD CÆLOS ASCENDENTI.

Iesus Saluator mundi.

Euolans fursum adijt.

EVolat hic fursum, nullis tamen vititur alis,
Sed virtute suâ se super astra vehit.

95. IVDICI SVPREMO.

Iesus Saluator mundi.

Datus aëri luminosus.

CVM CHRISTVS veniet residens super aëra Iudex
Irradians magno lumine visus erit.

96. REPROBOS CONDEMNANTI.

Iesus Saluator mundi.

Tu olim suavis ardens.

CHRISTE tua exardens erat olim Iudicis ira;
Vt modo suavis amor, tunc erit ira grauis.

97. CITRA CONDIGNVM PVNIENTI.

Iesus Saluator mundi.

Diuinus es ultor ? amas.

S Is quamuis scel^{er}um vindex, diuinus & ultore
Attamen ut plectis crimina, semper amas.

98. ELECTOS CORONANTI.

Iesus Saluator mundi.

Vnus saluos redimiat.

E Ffcit ut saluos, sic saluos ipse coronet :
Gratia p^{re}cessit, gloria sit, sequens.

99. SANCTORVM GLORIE.

Iesus Saluator mundi.

Sat in se laus diuorum.


D Iuorū meritō laus maxima CHRISTVS habetur;
Sātque suis meritis p^{re}mia laudis habet.

100. VITÆ ET PRÆMIO ÆTERNO.

Iesus Saluator mundi.

Sis vita, dones laurum.

S Is mea vita Deus ; nam mors est altera vita :
Atque tuo pugili laurea dona feras.



SA-

SACRA ITERVM
IUBILATIO,
EIDEM INCARNATO
VERBO DEI,

I E S V
C H R I S T O
DOMINO NOSTRO
HVMANI GENERIS ASSERTORI
PIENTISSIMO
INVERSO SIMILITER METRO
PANGITVR.





Iesus Dei Filius.

A N A G R A M M A.

Viuis es fidelis.

E Vryalus Niso, Pyladesq³, Fidelis Orest³
Dum canitur, Vates quid nisi vana refert?
Quosque suo exhibuit Polluci Castor amores,
Ingenij fictos quis neget esse iocos?
Et tua Penelope que praestita fertur Vlyssi,
Est meritò thalami fabula habenda fides.
Hac etiam maior si qua cantata Poëtis
Vlla fides, fidei non nisi larua fuit.
Nulla fides mundo, nullusque Fidelis amicus:
Fallit enim mundus, fallit amica fides.
Carus Alexandro vixit quandoque Philotas.
Hostis Alexandro maior at inde fuit.
Foedus amicitiae Pompèi & Caesaris arctum,
Postea Pompeium Caesar ad arma vocat.
Tullius Augusto placuit sermone disertus,
Ante tamen mortem desijt illa fides.
Nunquam finis erit, cupiam si cuncta referre
Damna, tulit mundo que violatus amor.
Cernitur instabilis maior constantia ponti,
Quàm sit amicorum non reputanda fides,
Tu solus meritò Viuis es CHRISTE Fidelis,
Est dextra auxiliij sola tenenda tui.

*Tu quaecumque facis, seruas promissa Fidelis;
Fallere mens fraudis nescia namque Dei est.
Dumq; potes, quod vis, tu cerneris usque Fidelis,
Quae promisti semper habentq; fidem.
Constantes animo tantum sint, atque Fideles,
Qui post sata volunt te pie CHRISTE frui.
A modo fac igitur maneam tibi CHRISTE Fidelis,
Vt tibi sim talis, tu mihi qualis eris.*

Iesus Dei vnigenitus.

A N A G R A M M A.

Diuinus est ei genius.

Q*ualis inest CHRISTO genius, vis noscere Lector!
Quod tibi pango metris, hoc Anagramma lege.
Est diuinus ei genius, Deus atque probatur,
Qui Patri aequalis cernitur esse Deo.*

Deus incarnatus.

A N A G R A M M A.

Tu in carne sudas.

O*Deus, humanâ tectus dum carne videris,
Pro sudore tibi sanguis, & vnda fluunt
Vnda fluit, varijs quando peregrinus in oris,
Tu semen fidei nocte, aëque jasis.*

Gethse.

*Getsemani exorans Patrem conclusus in horro,
Proximus & morti sanguinis imbre mades.
O cruor! ô fudor! sunt talia signa laboris,
In terris positus quem Deus ipse subit.
Et tu vilis homo spernens exempla Tonantis,
Tempore non modico desidiosus eris?
Vah! piget, extremos nequeas si ferre labores,
Sudanti ut faciem sanguinis unda riger;
Quod potes, illud agas; opus accipe viribus æquum;
Pramia nulla feres, si piger usque manes.*

Iesus de Virgine natus.

A N A G R A M M A.

En visus erit Dei agnus.

Ille Dei est Agnus, mundi qui crimina tollit,
En modò, Mortales plaudite, visus erit.
Agnus visus erit, parvus dum vagiet infans;
Dum tormenta feret, visus & Agnus erit.
Ad mortem nam sicut ovis, ducetur IESVS;
Ore necem tacito flagràque dira feret.

Iesus in stabulo natus.

A N A G R A M M A.

En iustus saluabit nos.

Tartareo Patres gemitis quid carcere clausi?
Iam satis est votis, sat lacrymisq; datum.

Opta-

*Optatissime ser at cum germine terra salutem,
Atque pluant iustum nubila, dentq; Deum?
Iustus adest, Deus ecce subit de Virgine natus.
Plaudite, saluabit nos, redimetque malis.*

Iesus in stabulo natus.

A N A G R A M M A.

Astu venit nobis salus.

N Ascitur in stabulo qui cuncta palatia Regum
Rex Salomone domum maior habere potest.
Certa salus hominum magno sic prouenit astu,
In stabulo puerum quis putet esse Deum?
Ante velut demon astu decepit Adamum,
Sic nouus hic astu demonâ fallit homo.

Iesus in præsepio reclinatus.

A N A G R A M M A.

Io, præsens puer à se inclytus.

D Icite io IESV, mortales plaudite cuncti;
Gloria in excelsis reddita sitq; Deo.
Calica turba suo pangit dum Cantica Regi,
In terris etiam Musica grata sonet.
Post tantos gemitus, post tot iussuria, tandem
CHRISTVS ab intacta Virgine natus adest.
Plaudite Pastores vobis nam gaudia desert.
Angelus, ad cunas iam properate Dei.

*Plaudite Rex Regum præfens puer inclytus à se.
 Hic Deus est ; proavis non eget ille suis.
 Progenies quamvis titulos Dauidica Matri
 Conserat, hic maius stemma, genúsque trahit.
 Attamen in stabulo puer hic, tantusq; Monarcha
 Natus stramineum possidet ecce torum.
 O stupor ! ó mirum ! posthàc quis mollia queret ?
 Eligit ut nascens aspera cuneta Deus.*

Iesus in præsepio reclinatus.

A N A G R A M M A.

O Sapientia ! pueris lucens eris.

I*nsfinita Dei lucens Sapientia, I E S V,
 Exemplum pueris tu puer ipse dabis.
 Paruus enim factò clamas, quod postea verbo ;
 Discite Mortales, sum quia mitis ego.
 Corde humilis videor, semper vultuque benignus,
 Quà decet & veneror religione Patrem.
 Subditus & Matri promptè mandata capeffo ;
 Tu me quisquis amas, hoc imitare puer.
 Sed dolor ! hæc quamvis fuerit Sapientia lucens
 Cunctis, vix uni dogma salubre placet.*

Iesus à Matre adoratus.

A N A G R A M M A.

Ardeat amor, suavis est.

A*rdeat intus amor, colitur dum Numen I E S V.
 Suavis amor pueri, suavis amorq; Dei est.*
C
Ie

Iesus pannis inuolutus.

A N A G R A M M A.

Tu nos lenis panis viuus.

A *Pra domus panis Betbleem iam noscitur esse.*
CHRISTVS *ut hac vagit natus in urbe puer.*
Ille etenim panis viuus delapsus Olympo,
Nos licet agrestes lenit, alisque simul.

Infans Iesus circumciscus est pro more
Iudæorum.

A N A G R A M M A.

Is præ nimio amore succensus, suis
fudit cruorem.

S *Cire cupis, IESVS cur circumciditur infans?*
Iussa sibi statuit talia Diuus amor.
Non sicut reliqui scelus hic contraxit Adami,
Vt foret illius sanguine habenda salus.
Præ nimio fudit succensus amore cruorem :
Isque suis fudit quidquid amore dedit.
Sim tuus ó IESV ; mihi prósti sanguinis vnda,
Quam modo de tenero corpore fudit amor.
O amor ! ó sanguis, mea spes. pretiumq, salutis !
Me precor assiduè da meminisse tui.

Iesus à Magis adoratus.

A N A G R A M M A.

Suavis do gratias meas.

Flgentiori stella quos ducit suo
Splendore Reges, concito ad cunas gradu
Properate CHRISTI: quòdque desertis pij
Monimentum amoris, thure permixto aureum
Offerre munus. Diues hic vobis puer
Maiora reddet. Gratias inquit meas
Ego do suavis. Gratia quodnam Dei
Infantis huius esse par munus queat?
Desertis aurum? Caritas aurum preit.
Cum thure myrrham symbolum affectus datis?
Spes iuncta fidei praeualeat donum Dei.
Et dum suavis totus est vultu suas
IESVS sereno gratias confert puer,
Caeleste donum si quod augmentum capit,
Id omne tribuit. Regibus iunctum, precor,
Me cerne IESV: pedibus aduoluor tuis,
Et vile quamuis, pignus affectus gero;
Cor ecce tribuo; quidquid est potest tibi
Mortalis animus ferre, iam totum exero.
Nihil reseruo, gratia ut donum puer
Mibi suavis seruulo feras tuo.

Puer Iesus.

A N A G R A M M A.

Pie seruus.

Subditus hic veluti seruus Matricum, Patricum,
Iussa pie exequitur filius ecce Dei.
Hoc puer exemplo facias mandata Parentum;
Ni seruus fueris, filius esse nequis.

Ie-

Iesus Redemptor.

A N A G R A M M A.

Emeritus prodes.

E Meritus prodes, pateris dum Christe Redēptor.

Pro nobis meritum vult Pater esse tuum.

Cur homo desperes regnum caeleste mereri,

Dum proprijs satagens viribus ipse nequis?

Eia age, sume animos; dirā nam morte Redemptor

Qua tibi promeruit, caelica regna dabit.

Gloria non deerit, modo sit tibi gratia CHRISTI.

Iugiter hanc igitur supplice mente roga.

Iesus Saluator.

A N A G R A M M A.

Sol suavis erat.

D Vm sine nube micat sol, cernitur esse suavis,
Suavior at proprio lumine Christus erat.

Suavis erat IESVS toti, dum viueret, Orbi:

Suavis erat puer hic, suavis adultus erat.

Suavis erat vultu, veluti sermone suavis,

Suavis erat Matri, suavis eratque Patri.

Discipuli suauem nec non habuere Magistrum,

Vidit & hunc suauem criminis ipse reus.

Magdala testis erit, quae IESV sole suauī

Oscula dans pedibus, suauiter vsa fuit.

Sis pariter nobis, IESV, sol quæso suavis,

Nostrāque sit radijs mens recreata tuis.

Iesus Saluator.

A N A G R A M M A.

O sit vera salus!

O Sit vera salus nobis Saluator IESVS!

Non pereat pretium quod crucis ara dedit.

AD
IESVM CRVCIFIXVM.

Rythmus Iambicus.

A Mor Deus dulcissime,
Redemptor & piissime,
IESV Patris per omnia
Pari colendus gloria.
IESV salus fidelium,
Et vn. cum solatium,
De Matris aluo Virginis
Qui prodixisti, criminis
A labe nos vt tergeres,
Mundosque culpa redderes;
Tui clientis anxia
Vide precor suspiria.
Ad te gemo cum fletibus,
Et maximis doloribus:
Vix ore verbum promitur,
Mœrore cor dum finditur.
Heu! quis Tonantis filium,
Candens amoris lilium,
Cernat pati sic tormina,
Nec sentiat grauamina?
Vrget amor, torques Deus:
Amor tuus, dolor meus;
Tuum mihi suspendium,
Doloris est incendium.
Ah! totus vrer igneus,
Accrescis vt dolor meus:

Vim temperat sed lacryma
In copia q̃ & maxima
Nostris ocellis effluit,
Ardensq; pectus abluit:
Amor dolori subuenit,
Viamq; luctus inuenit.
Primum canat lugubria
Que voce tristi nenia?
Quocumque verto lumina,
Cruoris exstant flumina.
Tuum caput pulcherrimum,
Et Angelis gratissimum.
Serto reuinctum spino,
Madet cruoris aluco.
Manus creatrix omnium
(Est veritas, non somnium)
Hic perforata cernitur.
Clauoque fixa panditur.
Pedes, quibus calcabiles
Fluctus maris mirabiles
Se prabuerunt, noxij.
Iam perforant & impij.
Est lancea per militem,
Est efferum satellitem
Latus mucrone saucium,
Ad ima cordis peruium.
Hoc vulnus ut considerat,
Te cor meum desiderat.
Me luctus ingens afficit,
Cum te dolor sic conficit.
Intra latus me condito,
Guttas cruorū fundito:

*Se seruidam mens sentiat,
Vt in bonis consentiat.*

Cordique cor sic vnias,

Vt ampliores gratias

Tuis ferat fauoribus,

Piys flagrans amoribus.

Amore IESV langueam,

Amore CHRISTI palleam;

Tecum mori plus eligo,

Te CHRISTE, quando diligo.

Te diligam, sed maxime,

Feruens amor sit intime:

IESVS amorem prodidit,

Quando cruci se tradidit.

Non maior cadet caritas,

Æterna nobis veritis

Monstrat Dei quàm filius

Mortalibus verè pius.

Amor Dei mirabilis,

Et voce non effabilis:

Amor Dei quàm fortis es,

Amor Dei quàm suavis es.

Amor domas fortis Deum,

Amor suavis cor meum

Ad te trahis suauiter,

Impellis atque fortiter.

Sed queso, me potentiùs

Velim trahas & fortiùs:

Tecum mori desidero,

Proinde cuncta desero.

Mundi vale dementia,

Mundi vale potentia;

Carnalibus fallacijs
Vale Venus cum gaudijs.
 Te CHRISTE totus ambio,
 Tormenta ferre gestio:
 Pro te mori iam serueo,
 Magis crucem non horreo.
 Si non finas pro te mori,
 Saltem finas tecum mori:
 Vnum mihi votum mori,
 Sed cum meo IESV mori.
 O mors mihi dulcissima,
 Et cum Deo gratissima,
 Quam te lubens desidero,
 Per te nimis felix ero.
 Felix ero perenniter,
 Fruens Dei suauiter
 Dono superni luminis,
 Summique vultu Numinis.
 Hac vota IESV suscipe,
 Meosque luctus percipe:
 Vivo mihi da gratiam,
 Et mortua da gloriam.

